

於精粗昭昭聽早令斯彰於善惡巨等奈檢  
 短景蒲柳微姿沐師匠之風斤幸窺枕寶老  
 化工之月齋坐閱窓陰莫進寸以競辰徒惜  
 分而玩歲曲承恩紀俾典玄綱露方寸天盍  
 殫誠而奏對借盈尺地願騰悃以鋪陳今齋  
 主某切切海涵兢兢淵涉念天形道貌忍招  
 八面之紅塵而海德波情易溷一心之素履  
 靜雅帝憲動羽宸章匪工扣於紫虛曷下微  
 於丹渥瑤壇翼翼親三寶以迎整琅座魏魏  
 列十華而首過伏奠溫綸煥紫恩絳飛丹增  
 朱火之生圖削黑單之宛籍二儀四象送穰  
 穰簡簡之祥八卦九章耀蕩蕩平平之福谷  
 微無窺其德履塵絲莫境其靈樞寶桂芳春  
 葦椿茂晚九玄七祖均超迹於圓方五族六  
 親並願神於經緯輅方來之餘慶消既往之  
 重災蒙如所陳允臻玄貺上願天元昭晏地  
 紀朗寧川后呈祥山靈薦祉華封三祝桂文  
 軌之太平康衢載歌識梓航之允治林澤不  
 逢於癘疾田疇无挽於霖蝗黔黎入寧幽冥  
 昭朗則上明

天專太慈之化下副巨等懇禱之誠謹啓以  
 聞

發願  
 存神燒香

香官使者左右龍虎君侍香諸靈官當今巨  
 落景燒香行道之所自然生金液丹碧芝英  
 百靈衆真交會在此香火爐前令巨學道得  
 道求仙得仙齊官蒙福幽顯露恩十方仙童  
 玉女侍衛香煙傳巨向來所啓之誠速達徑  
 御

太上無極大道

三清上聖

昊天玉皇上帝 御前

出堂頌

謝師

向來

靈寶領教濟度金書卷之一百八十七

靈寶領教濟度金書卷之一百八十八 共七

洞微高士開光救苦真人蕭金具授

靈寶通玄弘教水南先生林靈真編

科儀立成品 消災集福  
道場用

三界醮儀

步虛

各禮師存念如法

宣衛靈呪

孟章建節靈光持戈 監兵束妖 執明收魔

黃中總治勾陳騰蛇 奠鎮五方 掃穢除邪

金童飛煙 玉女散花 氣凝月彩 神瑩日華

藥珠虛白 妙道巍巍 靈寶凝合 神像森羅

衆真監舉世為仙家 和與道合真

鳴法鼓二十四通

無上三天玄元始三炁太上老君召出巨身

中三五功曹左右官使者侍香金童傳言散

花玉女五帝直符直日香官各三十六人出

出者嚴裝闔啓玄壇天帝神君當召此間土

地里域真官正神巨今陞壇設醮祭酒燒香

奏為入意其諸丹個具載狀文願得

太上十方正真生炁下降疏入臣等身中今  
臣所啓之誠速達徑御  
太上無極大道

三清上聖  
昊天玉皇上帝

請稱法位

具位奉行三獻祭酒法事小兆臣某與臨壇  
官衆等謹同誠上啓

虛無自然元始天尊玉晨道君靈寶天尊太  
上老君道德天尊昊天玉皇上帝南極天皇

上帝北極紫微大帝后土皇地祇諸天天尊  
諸天天帝日月星辰諸列仙地水陽間十方

聖三界四府應感仙真恭望洪慈俯回洞鑒  
臣聞一元肇運疑祖炁於无形萬範開圖散

靈光於有象幹神光而裁成經緯鼓聖瑟而  
化育陰陽臨下昭昭丕闡函三之妙受中赫

赫宏施得一之奇陶九軌以開春輝八絃而  
不夜今齋主某皈心道域請命玄關災消害

穰已對揚於月陞恩昭澤溥欣肆覲於星壇  
祈禪芥采之忱庸罄葵傾之敬借鋪滄祭肅

奉靈符伏望羽蓋玲瓏羅玄雲而泚止霓旌  
縹緲御紫炁以低徊玄虛之清蹕傳聲碧落  
之丹旂英仗諸天翼乘三界侍軒不遺應感  
之私恪副懋祈之切臣不勝依戀瞻天望聖  
激切屏營之至稽首再拜奏請

高真

請聖

三界衆真職運列聖通伸拜請諒沐光臨請  
各整於朝班共抵迎於  
帝取

降聖

鸞輿至止鶴駕臨軒三界衆真如儀朝禮朝  
禮既周請陞熙席懸官上香設拜初進酒

初獻

具位臣某謹重誠上啓

三清上聖十極高真玄虛之帝座靈真洞府  
之仙僚宰執三界內外一切真靈臣聞靈寶

垂光地開祥於碧落玄胤秀天應瑞於紫  
金七經飛丹谷之玄八緯耀絳闕之妙上无

復祖闡明三景以彌羅中有度人混合百神

而輔真惟回靈而理炁斯保命以生根渺渺  
真宗巍巍道本今齋主某賦形四象陶炁三  
元念謀身謀家幸免塵籠於素履而涉世涉  
俗豈無繫累於丹元或曾玄之考訟未清或  
愆債之業迷莫釋非工微於善應曷下副於

真期爰潔蓬廬恪披縵及建寶齋而煒燁門  
列十華崇瑤範以琳琅壇周四境稽顙儀无

名之咎扣頭祈有造之恩希沐慈觀恪垂慧  
鑒荷慶成於釐事允昭賴於恩私敢薦菲忱

庸陳藻敬無辭滄素翫語書丹具有心詞謹  
當宣奏

宣詞

詞旨具嚴聖淵昭鑒茅茨不剪借陳饗帝之  
儀黍稷非馨恪誓事天之敬秩瓊筵而珠弄

泛玉開寶宴而翠竿流金奏鈞樂於伶華舞  
天花於飛梵萬靈鼓舞衆聖懽呼伏願聽早

不遺鑿寸天之微越臨下有赫昭尺地之崇  
嚴肇宏赫奕之慈申錫琳琅之福門庭多暇

景星夕耀於泰階院宇无塵慶雲朝飛於華  
蓋銀漢橫而祿基永固玉杓轉而福祉常新

霽月光風掃四時之谷微祥煙甘露煥八景  
之歡聲凡有嶽祈悉歸主宰臣無任懇切禱  
祈之至謹稽首再拜酒陳亞獻

二獻

具位臣某謹同誠上啓

三清上聖十極高真玄虛之帝座靈真洞府  
之仙僊宰執三界內外一切真靈臣聞太乙  
凝精衍玄雲於碧漢大千胤粹敷德雨於蒼  
生耀八威而九醜飛奔運五靈而四魔遺斥  
威符六甲昭昭彰純嘏之新仁契三辰燦燦  
鑿鑿燿之被下提獎於地紀上主宰於天綱  
有翼有嚴惟定惟應今齊主勳渠勵志激切  
殫忱祈三災九橫之水清觀百福千祥之雲  
委猶慮稟生以役賦命之前欲海波翻莫鼓  
法橋之棹愛河瀾倒誰操道岸之舟天和願  
倒於三彭人偽紛紜於二豎內虧忠孝既叛  
躬行外乏謹廉易乖踐履名利皇皇而獨鈞  
網常蒙蒙以同流不思三惑之除人非鬼責  
惟務四維之去鬼侮神真因五帝之書愆或  
三元之校過或積悔尤於七世或招寃結於

三生總是障緣易招惡難或躑躅次舍推波  
犯於威星或躑躅飛流察鈞芒於強曜悉賴  
提獎之力總祈陶冶之功伏願溫詔風行德  
音雷動軫皈依之徹切慨錫鴻恩鑒回向之  
勤梁普頌鶴教戒嚴所諫申錫攸司俾萬善  
以川增使千災而雲散四象八卦玄珠瑩徹  
於精神八節四時白玉皎澄於步武春臺宴  
樂夏屋惟榮芝秀蘭芳雷詩書之世澤松茂  
栢悅樂文獻之家聲鼓琴瑟以春融協墳堯  
而日感天開壽域迎駟馬於千門神擁福庭  
舞八龍於菊宅內耀絲冰之威外拖紫綬之  
華蒙印丹忱允昭玄觀上願圓靈輝煥方澤  
靜安日月澄鮮煙雲藏歛桑麻日茂熙熙藏  
富於三農榆柳春開蕩蕩收烽於四鄙朝有  
鳳凰之喜野无鴻鴈之憂玉帛朝宗梯航拱  
極遂飛潛而樂性合幽顯以招情臣无任祈  
俟屏營之至稽首再拜酒陳終獻

終獻

宣都疏

具位臣謹重誠上啓

三清上聖十極高真玄虛之帝座靈真洞府  
之仙僊宰執三界內外一切真靈咸里洪慈  
俯垂矜鑒臣聞至敬无文敬後再三之演大  
禮必簡吳撼萬一之忱俯班篤篤以趨朝仰  
輅龍駕之在御禍福由己傾葵既罄於由中  
視聽自民詢羌敢忘於陛下以今千枝燼冷  
百和煙微雲笙收縹緲之音天衢霄映風馨  
息琳琅之韻輦路春回龍與容與以回玄風  
輦飄飄而返景諸天復位萬聖旌班俯控雲  
龍隱跡清冷之渚旁飛月駟潛形蒼蒼之墟  
臣等身履塵關躬辭聖陞徒企靈光之煒燁  
莫攀法從之輝華臣不勝依戀激切之至謹  
再拜奉送聖駕

送聖頌

復爐

化財

靈寶領教濟度金書卷之一百八十八